

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ
ՁԵՐԲԱԿԱԼՎԱԾ ԱՆՁԱՆՑ ՊԱՀԵԼՈՒ ՎԱՅՐԵՐՈՒՄ ՎԵՐԱՀՍԿՈՂՈՒԹՅՈՒՆ
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ


№ 2621/1423

03.07.2014թվ.

ՀՀ Ոստիկանության պետ,
գեներալ-լեյտենանտ
պարոն՝ Վ. Գասպարյանին


Հարգելի պարոն Գասպարյան,

Սույն թվականի հունիս ամսին Դիտորդական խումբը այցելություն էր կատարել
նոստիկանության Տավուշի ՄՎ Տավուշի ՁՊՎ և արձանագրել էր.



1. Դիտորդական խումբը խնդրեց, որպեսզի տրամադրեն սննդի պայմանագիրը և վերջին մի
քանի ձեռքակալված անձանց սնունդ տրամադրելու վերաբերյալ սննդի կետի կողմից
տրամադրված կտրոնները: Ոչ մի միջոց չձեռնարկվեց, միայն մեկնաբանեցին, որ նշված
թղթերը գտնվում են հաշվապահի մոտ, իսկ նա տեղում չէ:

2. 2-րդ խցի ջրի ծորակը չէր գործում:



3. Միաժամանակ Դիտորդական խմբին չտրամադրվեց իրազեկումները՝ ձեռքակալվածի
տեղաշարժի վերաբերյալ հեռախոսագանգի միջոցով նրա ընտրած անձին տեղյակ
պահելու, պարզաբանեցին, որ նրանց անձնական գործի հետ տեղափոխվում է ՔԿՀ:
Խնդրում ենք պարզաբանել, թե ինչ իրավական հիմքով է իրազեկման վերաբերյալ
տեղեկանքները անձի հետ տեղափոխվում ՔԿՀ:

Տրամադրեցին միայն մեկ իրազեկում, որը լրացված էր խախտումներով, այն է տվյալ
իրազեկման մեջ բաց է թողնված հեռախոսահամարի տեղը, բայց նշված է, որ
հեռախոսահամարով տեղյակ ենք պահել հորը, որ որդին x օրը, x ժամին գտնվում է
Տավուշի ՁՊՎ-ում / փաստը հաստատող լուսանկար - 1/

4. Ուսումնասիրությունների արդյունքում պարզվեց, որ Նարեկ Մադյանը և Դավիթ
Հովհաննիսյանը ձեռքակալվել են 18.06.2014թ-ին: 20.06.2014թ-ին քննիչի կողմից

ներկայացվել է որոշում, որով պահանջել է, որպեսզի կալանավոր Ն. Մադյանին 20.06.2014թ-ից մինչև 23.06.2014թ-ը ընդունեն և պահեն Տավուշի ՁՊՎ-ում, իսկ կալանավոր Դ. Հովհաննիսյանին 20.06.2014թ-ից մինչև 23.06.2014թ-ը պահեն ոստիկանության Իջևանի ՁՊՎ-ում: Որոշման 2-րդ կետով կատարման համար օրինակները տրամադրվել է ոստիկանության Տավուշի և Իջևանի բաժնի պետերին: /*փաստը հաստատող լուսանկար – 2/*: Արդյունքում՝ Դ. Հովհաննիսյանը չի տեղափոխվել Իջևանի բաժին և 18.06.2014թ-ի ժամը 11.30-ից մինչև 23.06.2014թ-ը ժամը 12.25-ը պահվել է Տավուշի ՁՊՎ-ում, որի արդյունքում՝ 21.06.2014թ-ի ժամը 11.30-ից մինչև 23.06.2014թ-ի ժամը 12.25-ը Դ. Հովհաննիսյանը առանց հիմնավոր փաստաթղթի պահվել է Տավուշի ՁՊՎ-ում: / *փաստը հաստատող լուսանկար – 3/*

5. <<Ձերբակալված անձանց բուժօգնության կամ բուժօգնության>> գրանցամատյանը ուսումնասիրելուց արձանագրվեց, որ Դավիթ Հրանտի Հովհաննիսյանին չեն ենթարկել բուժօգնության, իսկ Մխիթար Մխիթարյանի վերաբերյալ լրացված է միայն <<հիվանդություններ չի հայտնաբերվել>> բայց նշված չէ, թե ում կողմից է գնություն իրականացվել: / *փաստը հաստատող լուսանկար – 4/*
6. Միաժամանակ արձանագրվել է, որ ՁՊՎ-ում առկա որոշ փաստաթղթեր կրում են ձևական բնույթ: Օրինակ՝ Մխիթար Մխիթարյանի խուզարկության արձանագրության մեջ ժամը նշված չէ: / *փաստը հաստատող լուսանկար – 5/*

Այսպիսով խնդրում ենք տալ մեկնաբանություն ներկայացվածի վերաբերյալ:

Հարգանքներով՝

ՀՀ ոստիկանության համակարգի ձերբակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ՝



Հ. Սահակյան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երևան, Նալբանդյան 130 հեռ. 59-65-94

N 2/2-1-

<< >> 2014թ.

Ձեր 03.07.2014թ. թիվ 2621/1423 գր.

2/2-1-1809

24.07.14թ

«Ոստիկանության համակարգի ձերբակալվածներին պահելու վայրերում հասարակական դիտորդների խմբի նախագահ Հասմիկ Սահակյանին

Հարգելի տիկին Սահակյան.

Հայտնվում է, որ դիտորդների խմբի կողմից ս/թ հունիս ամսին «Ոստիկանության Տավուշի մարզային վարչության Տավուշի բաժնի ձերբակալվածներին պահելու վայր կատարած այցելության ընթացքում արձանագրված թերություններն ու խախտումներն ուսումնասիրվել են «Ոստիկանության շտաբում և Տավուշի մարզային վարչությունում, որի կապակցությամբ տրվում են հետևյալ մեկնաբանությունները.

1. Ոստիկանության Տավուշի բաժնի ՁՊՎ-ում պահվող անձանց անվճար սնունդ տրամադրելու համար կնքված պայմանագիրը և սննդի տրամադրման վերաբերյալ կտրոնները գտնվում են բաժնի ֆինանսական մասում՝ հաշվապահի մոտ, այդ իսկ պատճառով էլ դրանք չեն ներկայացվել դիտորդների խմբին:

Հարկ է նշել, որ վերը նշված պայմանագրերը և կտրոններն ինչպես «Ոստիկանության Երևան քաղաքի, այնպես էլ մարզային վարչությունների ենթակա ստորաբաժանումների ՁՊՎ-ներում չեն պահվում, քանի որ դրանք վերաբերվում են ֆինանսական մասերի գործունեությանը: ՁՊՎ-ների վարչակազմերը նշված փաստաթղթերի հետ առընչություն չունեն, հետևաբար չեն կարող նաև ներկայացնել դիտորդների խմբին:

2. ՁՊՎ-ի 2-րդ խցի ջրի ծորակի չգործելու պատճառն եղել է այն, որ այնտեղ պահվող ձերբակալվածը անփոյթ է վարվել, ինչի հետևանքով կտրվել է ծորակի փականի պլաստմասե ներդիրը: Նշված թերությունը ներկայումս վերացված է:

3. ՁՊՎ-ում պահվող անձանց հարազատներին հեռախոսակապի միջոցով իրազեկումները կատարվում են սահմանված կարգով, այդ մասին կազմվում է տեղեկանք և դրվում անձնական գործում: Դիտորդների խմբին նշված տեղեկանքները հնարավոր չի եղել ներկայացնել, այն պարզ պատճառով, որ անձինք տեղափոխված են եղել ՔԿ՝ իրենց անձնական գործերով:

Ղեկավարվելով «Կառավարության 05.06.2008թ. թիվ 574-Ն որոշմամբ հաստատված ««Ոստիկանության համակարգում գործող ձերբակալվածներին պահելու վայրի ներքին կանոնակարգ»-ի 14-րդ կետի պահանջներով, յուրաքանչյուր ձերբակալվածի համար ՁՊՎ-ում կազմվում է անձնական գործ՝ համաձայն N 18 ձևի, որում ներառվում են ձերբակալման և ազատման ամսաթվերը, անհատական քարտը, բերման ենթարկելու մասին արձանագրությունը, հագուստի և անձնական իրերի անվանացուցակի վերաբերյալ արձանագրությունը, նախկինում դատվածության մասին տեղեկանքը,

խուզարկության արձանագրությունը, մատնադրոշման տվյալները, հանձնուքի, տեսակցության դիմումները, անձնական հաշվի գումարի շարժը և **ձերբակալվածին վերաբերող այլ փաստաթղթերը:**

«Կառավարության 02.04.2009թ. թիվ 351-Ն որոշմամբ հաստատված «Ձերբակալված և կալանավորված անձանց «Կառավարությանն առընթեր «Նստիկանության կողմից ուղեկցման և պահպանման կարգ»-ի 51-րդ կետով սահմանվում է, որ ձերբակալված և կալանավորված անձանց ուղեկցելու դեպքում նրանց անձնական գործերը դրվում են փակ ծրարի մեջ, որին փակցվում է տեղեկանք՝ համաձայն N 3 ձևի, որում նշվում է այն վայրը, ուր ուղարկվում է ձերբակալված կամ կալանավորված անձը: Անձնական գործերը հանձնվում են ուղեկցող պահակախմբի ավագին:

Ինչ վերաբերվում է դիտորդների խմբին ներկայացված տեղեկանքում հեռախոսահամարի բացակայելուն, ապա այն Տավուշի բաժնի հերթապահ մասի ավագ տեսուչ-հերթապահ Մ.Խաչատրյանի շտապողականության և անփութության հետևանք է:

4. Դավիթ Հովհաննիսյանը Տավուշի քննչական բաժանմունքի քննիչի կողմից ձերբակալվել է 18.06.2014թ. ժամը 11.30-ին, Նստիկանության Տավուշի բաժնի ՁՊՎ-ում ազատ տեղ չլինելու պատճառով նույն քննիչի կողմից տրված որոշման համաձայն Դ.Հովհաննիսյանը տեղափոխվել է Նստիկանության Իջևանի բաժնի ՁՊՎ: 20.06.2014թ. Տավուշի մարզի ընդհանուր իրավասության դատարանի որոշմամբ Դ.Հովհաննիսյանի նկատմամբ խափանման միջոց է ընտրվել կալանավորումը: Բազմադրվագ հանցագործություններ կատարելու համար, 21.06.2014թ. քննչական գործողություններ իրականացնելու նպատակով վերջինս Իջևանի բաժնի ՁՊՎ-ից տեղափոխվել է Տավուշի բաժնի: Նույն օրը Տավուշի սահմանամերձ գոտում Ադրբեջանական զինված ուժերի կողմից սկսվել է հրաձգություն, ինչի հետևանքով փակվել է Բերդ-Իջևան ավտոմայրուղին: Վերոնշյալի պատճառով հնարավոր չի եղել կալանավոր Դ.Հովհաննիսյանին տեղափոխել Իջևանի բաժնի ՁՊՎ և վերջինս պահվել է Նստիկանության Տավուշի բաժնի ՁՊՎ-ում: 23.06.2014թ. ժամը 12.25-ին Դ.Հովհաննիսյանը տեղափոխվել է «ԱՆ «Աբովյան» ՔԿՀ:

5. Դ.Հովհաննիսյանը ձերբակալվելուց հետո պահվել է Նստիկանության Իջևանի բաժնի ՁՊՎ-ում, որտեղ ենթարկվել է բուժզննության և «Ձերբակալված անձանց բուժզննության կամ բուժօգնության» գրանցամատյանում կատարվել են համապատասխան գրառումներ: Դ.Հովհաննիսյանը բազմադրվագ հանցագործություններ կատարելու համար տեղափոխվել է Տավուշի բաժնի՝ քննչական գործողություններ իրականացնելու նպատակով և Բերդ-Իջևան ավտոմայրուղին փակվելու պատճառով, ստիպված պահվել է Տավուշի բաժնի ՁՊՎ-ում, որտեղ Տավուշի բաժնի հերթապահ մասի ավագ տեսուչ-հերթապահ Մ.Խաչատրյանի կողմից կալանավորվածի մարմնի արտաքին զննություն չի իրականացվել:

6. Ձերբակալված Մ.Մխիթարյանի վերաբերյալ «Ձերբակալված անձանց բուժզննության կամ բուժօգնության» գրանցամատյանում մարմնի արտաքին զննություն իրականացնողի տվյալները չեն նշվել Տավուշի բաժնի հերթապահ մասի ավագ տեսուչ հերթապահ Մ.Խաչատրյանի և նույն անձին անձնական խուզարկության ենթարկելու մասին արձանագրության մեջ ժամը չի նշվել Տավուշի բաժնի հերթապահ մասի ավագ տեսուչ հերթապահ Ս.Առուշանյանի շտապողականության և անփութության հետևանքով:

Ձերբակալված Մ.Մխիթարյանի գտնվելու վայրի մասին նրա ընտրած անձին հեռախոսազանգի միջոցով տեղյակ պահելու վերաբերյալ կազմված տեղեկանքում հեռախոսահամարը չնշելու, «Ձերբակալված անձանց բուժզննության կամ բուժօգնության» գրանցամատյանում մարմնի արտաքին զննություն իրականացնող Նստիկանի տվյալները չնշելու, անձնական խուզարկության ենթարկելու մասին կազմված արձանագրության մեջ խուզարկության ժամը չնշելու և կալանավոր Դ.Հովհաննիսյանին Տավուշի բաժնի ՁՊՎ ընդունելու ժամանակ մարմնի արտաքին զննություն չկատարելու համար Տավուշի բաժնի հերթապահ մասի ավագ տեսուչ-հերթապահներ Մ.Խաչատրյանը և Ս.Առուշանյանը խիստ նախազգուշացվել են: